

SERI - MI PROPÓSITO

KEN, AMI TA?

*Asistiendo e profeshonal pa e
rekuperá su alegría i pas interno*

EUNICE ANITA



Hulanda

KEN, AMI TA?

SERI – MI PROPOSITO

Copyright 2020 Eunice Anita

Tradukshon Duvilène Pieter, Eunice Anita i Dennis Rafaël

Publiká pa Highly Favored Publishing

www.highlyfavored.nl

Ilustrashon di e buki © 2019 Highly Favored Publishing

Diseño di e portada di e buki ©2019 Highly Favored Publishing

Original

Who am I?

MY PURPOSE - SERIES

Copyright 2019 Eunice Anita

Paperback ISBN 9789492266-14-9

E-Book Epub ISBN 9789492266-15-6

Publiká pa Highly Favored Publishing

www.highlyfavored.nl

Skrituranan mensioná ta for di Beibel Santu 1997, di diesun Edishon 2010,
di EDITORIAL EVANGÉLIKO.

Imprimí na Hulanda

Motivashon

Dokumentu imprimí ISBN 978-94-92266-36-1

Buki elektròniko epub ISBN 978-94-92266-37-8

Buki elektròniko pdf ISBN 978-94-92266-42-2

BISAC OCC019000, REL012070

REL012070 NUR 707, 740

Dor ku Internet ta asina dinámiko, e páginanan di Internet por a kambia òf
no ta traha mas despues ku e buki akí a wòrdu publiká.

*Tur derechi ta reservá. Niun parti di e publikashon aki no por wòrdu
reproduzí, distribuí òf transmití den kopia, fotokopia, video, pa oudio òf
kualke otro medio, sin outorisashon por eskrito di e editor.*

Kontenido



Kontenido	1
Introdukshon	3
Deklarashonnan afirmativo	7
Mi persona interno	8
Mi ta skohé	11
Lo ke otronan ta pensa di mi	13
Mi bida alegre	15
Pas den mi mente	17
Mi konosementu i abilidadnan	19
Mi tempu pa sosegá	23
Mi (no) ta remplasabel	25
Mi ta un inisiadó di kambio	27
Mi notanan	29
Tokante die autora	35
Otro publikashonnan	37

Introdukshon



Bo a yega di hasi bo mes e pregunta: ken mi ta di bèrdat? Tabatin temporadanan ku mi tabata hasi mi mes e pregunta akí.

Preguntanan manera, ken mi ta na nivel profeshonal, den iglesia, den sosiedat i tambe dikon mi ta ken mi ta. Esakinan ta preguntanan ku mi a kuminsá reflekshoná riba dje.

Nos tur tin un propósito den bida. E punto ta pa nos deskubrí esaki, eksperensiá libertat, i e sentimentu di a alkansá satisfakshon interno i eksterno.

Mi a realisá ku e satisfakshon eksterno ta *loke nos ta mustra otronan i ta gusta pensa di nos mes* i ku e satisfakshon interno ta muchu mas importante, pasobra e ta duna *nos e balansa ku nos mester pa por funshoná bon te dia ku yama nos na bida eterno.*

Dikon tin asina tantu hende riba e mundu akí ku ta rabiá, amargá, kansá, preshoná, ku e sentimentu di a faya òf simplemente ku nan no a hasi suficiente?

E posibilat ta grandi ku ta pa falta di satisfakshon interno.

Mi no ta dòkter ni sikólogo, i mi no ta pretendé di ta. Solamènte mi sa ku E Kreador di tur kos, Dios Todopoderoso, tin un plan perfekto pa kada persona i ku e kosnan malu no ta dura pa semper. E difikultat i e pruebanan por bini, pero na final, e viktoria ta den nos man pasobra Kristu a konkistá tur kos pa nos.

Basá riba e prinsipionan menshoná i e konseptonan Bíbliko, mi a kuminsá meditá riba mi pregunta inisial. E resultado ta e buki akí, yen di pregunta pa bo kontestá, pero tambe pensamèntunan ku ta kurashá, motivtá i orashon pa e profeshonal ku ta pasando dor di momentunan difísil i pa esnan ku ta realisando un búskeda interno òf ku ke tuma kontròl di e proseso di sigurá su mes di no pasa e límite mental.

Kada kapítulo ta kuminsá ku un seri di pensamèntu, ku por wòrdu identifiká dor di *letra diagonal*. Hopi por rekonosé nan mes, sea parsialmente òf totalmente, den e teksto manera presentá.

E tekstonan akí no ta pa desanimá bo. Nan intenshon ta di yuda bo enfrentá e realidat den kual bo ta biba òf den kua bo ta mira otronan, i den kua ku bo mes tambe por resultá. Sea animá pasobra tin un solushon pa tur kos.

Promé bo sigui lesa, hasi bo mes e pregunta, *ken mi ta?*

Deklarashonnan afirmativo



Mi ta un profeshonal ku ke kontribuí na ekonomia, humanidat, industria, siensia i sosiedat. Pero mas ku tur kos,

- # Mi ta realisá i atmití ku mi tin mester di e satisfakshon interno meskos ku tur e otro kosnan ku mi ta balorá den bida.
- # Mi spiritu i mi alma ta rekerí un refreskamèntu ku e Fuente di Kreashon so por proveé.
- # Mi kurpa fisiko mester di nutrishon apropiá i sosiegu.
- # Mi ta mes talentoso ku Dios a hasi mi kapas di ta.
- # Mi ta sobresalí den tur kos ku mi ta hasi pa grasia di Dios.
- # Mi ta krea maraviosamènte den e imágen i semehansa di Dios.

Mi persona interno



*Mi persona interno, ken bo ta? Kon ta ku bo?
Ken ta kuidando bo?*

*E biahe yamá bida por ta duru, pero huntu, nos
por hasié. Un kos ta sigur, nos tin mester di
yudansa. Ken nos por puntra?*

E persona interno (hende interior) ta wòrdu deskribí komo e mente, e naturalesa òf e alma di un persona.¹ Seguramènte, nos tur tin unu. Nos ta us'e regularmente, pero nos ta kuidando nos persona interno? Si nos ta hasié, nos ta hasié di e forma korekto? Ora ku un outo dañá, nos ta hib'e na e agensia di outo òf un mekániko. I ora ku nan no por resolvé e problema, nos ta konsultá e fábrika mes. Tin ora e doño di outo ta keda persistí pa e drenta den kontakto ku e fábrika. Den poko palabra, ta kontaktá e trahadó di e produkto.

¹<https://www.collinsdictionary.com/dictionary/english/inner-man>

Nos ta konsultá nos Kreador ora ku Su produkto tin mester di un revishon? Nos ta persistí pa alkansá Esun ku konosé nos di paden i pafó?

Orashon

Señor, danki pa krea mi den Bo imágen i semehansa. Bo konosé mi mihó ku tur hende. Bo a duna mi un boluntat liber. Hesus, mi ta invitá Bo den mi bida. Mi ta pidi Bo pa kana ku mi tur dia di mi bida, unda ku mi bai. Ora ku mi persona interno mester di un revishon, alertá mi, i siña mi kon pa mi aserka Bo, pa e asunto aki. Mi ke i lo mi nutri mi mes ku kuminda ku ta fortalese mi pa e bida eterno. Mi ta pidi Bo pa yuda mi, pa mi por prosesá e kuminda akí den mi mente, kurason, i alma, di forma ku mi por sa ku tur kos a wòrdu prosesá den e midi i e forma korekto. Esaki ta mi orashon den nòmber di Hesus, Amèn.

Skritura

Génesis 1:26; Mateo 4:4; Juan 4:34; Juan 6:27

